

18.3.2026

Ciâlkâlmraukkmõš: Riiksuâvtõõzz asetõs sää'mkiõl konttrest di riiksuâvtõõzz asetõs Sää'mtee'ğğest uvddum asetõõzz kää'mtummšest

Jää'dtemsää'n

Vuõiggâdvuõttministeria räukk ciâlkâlm hâmmisin riiksuâvtõõzz asetõssân sää'mkiõl konttrest di riiksuâvtõõzz asetõssân Sää'mtee'ğğest uvddum asetõõzz kää'mtummšest.

E'tk̄keet, što asetõõzz Sää'mtee'ğğest kää'mtet da što uu'det ođđ riiksuâvtõõzz asetõõzz sää'mkiõl konttrest. Kää'mtemasetõõzz da ođđ asetõõzz ooudčeš čiolgâsvuõđ diõtt jeä'rben, ko ođđ asetõõzz ooudčeš tã'lķ sää'mkiõll-lää'jj nuājain. Sää'mkiõl konttâr kuõskki šiōttõõllmõš põõžžči kõskksaž vue'zzin seämmanallše'mmen, leâša tõ'st le'ddi vii'ttjõõzz lää'jjšiōttummša da ä'sštobddiorgaa'ne tuejje'češ ääi'jtäss'si'žžen.

Tuâggaž

Asetõs Sää'mtee'ğğest lij uvddum Sää'mtee'ğğest uvddum lää'jj (sää'mte'ğğlää'kk̄, 974/1995) di sää'mkiõl âannmõõžžâst ve'rğgnii'kkin uvddum lää'jj (516/1991), mân̄na dõ'st sää'mte'ğğlää'jj (1086/2003) nuājain. Sää'mte'ğğlää'jj mu'tteš 1.8.2025 viõ'kķe puättam muttsivui'm (414/2025). Täävtõssân le'jje suõjjled da oou'deed sä'mmlai jiõččmie'rreemvuõiggâdvuõđ teâuddjummuž di pue'reed sä'mmlai ķiõlâz da kulttuurâz kuõskki jiõččvaaldâšm da Sää'mtee'ğğ taimmamoudldõõzzid. Oodummuž õhttvuõđâst lää'jjest va'lddeš meadda asetõõzz u'vddemvã'lddvuõđid kuõskee'l Sää'mtee'ğğ tuājaid, organisaatio da toi'mmjummuž. Sää'mtee'ğğ jiõččvaldšmallaš sãâ'j diõtt lij vuâđđtõllum, što Sää'mtee'ğğ kuõskki šiōttõõllmõõžž tuejjeet laa'jjin da Sää'mtee'ğğ jiõčč priimmâm tuâjjriãššmõõžžin.

Postiosoite Postadress

Oikeusministeriö
PL 25
FI-00023 Valtioneuvosto
Finland

Käyntiosoite Besöksadress

Meritullinkatu 10
00170 Helsinki
Finland

Puhelin Telefon

0295 16001
Internat.
+358 295 16001

Faksi Fax

09 160 67730
Internat.
+358 9 160 67730

S-posti, internet E-post, internet

kirjaamo.om@gov.fi
www.oikeusministerio.fi
www.justitieministeriet.fi

Lää'jjmuttsi mie'ldd šuurmös vue'ss Sää'mtee'ğğest uvddum asetõõzz šiõtlmin lie kámmnam.
Viõggâst lij asetõõzz sää'mķiõl konttâr kuõskki šiõttõõllmõš, kââ'tt lij uvddum sää'mķiõll-lää'jj nuäjain.

Täävtõõzz

Muttsivui'm tuejje'češ čiolggsun di ääi'jtäss'si'žžen asetõstää'zz šiõttõõllmõõžž da säättčeš tøn va'stteed mottjam sää'mte'ğğlää'jj.

Äi'ğğtaull

Raaukât, što ciâlkâlm uu'det mââimõõzzâst 3.5.2026.

Va'steemvuä'ppõõzz

Ķii täättas vuäitt u'vdded ciâlkâlm.

Raaukât, što ciâlkâlm uu'det vuõss-sâjjsânji va'stee'l ciâlkâlmraukkmõ'sše ciâlkâlmkääzzkõõzz pääi'ķ.

Vuä'ppõõzz kääzzkõ'sse rekisterõõttâm diõtt da kääzzkõõzz ââ'nnem diõtt käunn'je ciâlkâlmkääzzkõõzz seeidast Vuä'ppõõzz > Ââ'nnemvuä'ppõõzz (õõ'nnituärji: lausuntopalvelu.om(at)gov.fi). Ministeria â'lğge lââ'ssen ruõkkâd ciâlkâlmkääzzkõõzzâst u'vddmeez ciâlkâlm VAHVA-ä'sšvaaldšemriâžldõ'ķķe äšša VN/33578/2025.

Jõs ciâlkâlm ij leäkku vuei'tlvaž u'vdded ciâlkâlmkääzzkõõzzâst, ciâlkâlm vuei'tet vaajtõsmääinlânji tääimted ministeria rekisterâ'stemkonttra ne'ttpoo'stin addrõ'sse kirjaamo.om@gov.fi le'be pää'st mie'ldd addrõ'sse PL 25, 00023 Riiksuävtõs. Raaukât, što rekisterâ'stemkonttra tääimtum ciâklmest peäggтет ä'sšnââmar VN/33578/2025. Lââ'ssen raaukât, što rekisterâ'stemkonttra tääimtum ciâlkâlm vuõltteet ouddmiârkkân ne'ttpää'st meâlddõsteättõssân Word- le'be PDF- hää'mest, što ciâlkâlmä'sške'rjj ij ââ'n se'st taarbte'mes persoonteâđaid, mâ'te privattoummu ne'ttpää'staddrõõzz.

Vuâlggsââ'jjen lij, što puk uvddum ciâlkâlm lie õlmmâz ve'rğğnii'ķķi toi'mmjummuž õõlmâsvuõđâst uvddum lää'jj (621/1999) meâldlânji. Ciâklmid õlmstââ'ttet ha'ņķķõõzz õõlmâs ha'ņķķõs-seeidain (valtioneuvosto.fi/hankeet, tobldõk OM056:00/2025). Privattoummu ciâlkâlm õlmstââ'ttet kuuitâg ha'ņķķõs-seeidain teâtsuejmmäâinai diõtt tâ'lķ, jõs ooumaž tån ķeerjlânji räukk ouddmiârkkân suu ciâlkâlm õhttvuõđâst le'be tøn sättsaaggâst.

Lââ'ssen puk ciâlkâlmkääzzkõõzzâst uvddum ciâlkâlm, mie'ldd looggee'l privattoummui ciâlkimid, lie automaattlânji puki vuei'nnemnalla ciâlkâlmkääzzkõõzzâst. Ministeria ij ôlmstââ'tt rekisterâ'stemkonttra tååimtum ciâlkimid ciâlkâlmkääzzkõõzzâst.

Ciâklmest ij õõlg i'lmmted taarbte'mes persoonteâðaid. Hå't privattoummu rekisterâ'stemkonttra tååimtem ciâlkâlm jeät ôlmstââttçe nee'ttest, ciâlkâlm lij ministeriast puki vuäžžamnalla ve'rgñnii'kki toi'mmjummuž õõlmâsvuõðâst uvddum lää'jj meâldlânji.

Lââ'ssteâð

Sagstõõlli ve'rgğooumaž Jasmiina Jokinen, jasmiina.jokinen(at)gov.fi, te'l. 0295 150 056